


89-17655



NETEMACHTILIZTLI.

In Itechpa in cè yancuican pahlti, inic in Macehualtin quimatizque iquin yeiman, quenin, ihuan quezqui quicelizque.

ININ pahlti ca huel cenca hui qualli, ipampacà yehuatica tepatiloque in ihuicpa in miec in nepapan cocoliztli. Auh inic quinetlocazque in Macehualtin ca mochi inic, in ye omitto, ca melahuac, quimatizque: ca in Tepatiliztontequillanime in nican Mexico neml, oquittaque, ihuan oquitoque, ca qualli. Auh monamacaz ompa Tepatiliznamacoyan inicalnacazo, Botica Santa Inès, inixpan Tlatocayopancalli, campa mochihua in tomin. Auh in ipatiyò zan yez ahmo tlasotli, ipampacà in Macehualtin ca huel hui icnotlacà; Yece inic yuhqui mochihua; quiqualcuizque in inteopixcahuan (nozo P. Cura, nozo P. Vicario) ce amatontli.

Inic centlamantli in mornatiz, ca quenin motocayoz inic pahlti? Motoca: *Tepitoxepoztlaxcalli*: caxtillancopa *Pastillas de ferro*. In aquin mococoa, huelitiz omilhuica, nozo yeillhuica, quiquazome, nozo yei Tepoztlaxcaltzintli, quenamic, ihuan iquin quinequiz. Yece iquacon ahmo quiquiz in xochiqualli xococ, ahmo no quiconiz coztic octli, ahmonotlachiqui, ahmo no castillanillailli agua ardiente, nozo chinquirito, ahmo no mezcaili; ihuan zatlatzonco ahmo quiconiz mochi in tlein tetshuanaltia; ipampacà iniquacon ahmo tepatiz, ca zan ocachi miec tecocoz.

Inic ontlamantli, in quimatizque in Macehualtin, ca yehuatin: ca inic tepatiliztli qualli yez iniquac intechcocoa in yolloixco, ipampa ahuel quitemohuizque in tlaqualli. = Inic quiteocihuizque iniquac mimati, ipampa ye achto huel mococotecatca. = Inic quimpatizque iniquac tetetzilquiza, ahnozo atonahua. = Inic quimpatizque iniquac mochi in intlalnacayo pozahua, xayacacoztia, amiqui, ihuan ahuel maxixa, ahuel atl quinoquia, = Inic quimpatizque iniquac quac

in tlaocoyallizcocoliztli quipia. = Inic quimpatizque iniquac quipia in inxillanneapitzaliz. = Qualli yez inin tepatiliztli inic in cihuâ quiquazque, iniquac inyolloixco quipia miéc in tetcuicaliztli; yecé nimanahmo quiquazque iniquac quipia innemetzhuiliz, cihuacocolli. = Noihuan qualli yez inic quimpatizque in ihuicpa in ocmiec in nepapan coliztli, in nican ahmo mîcuiloa, ipampacâ in Macehualtin cocoxque ahmoqualli quiximatizque.

Inic etlamantli; in nican ycxonexca, yetlamatzoa ca inin: ca iniquac Aca quinequiquiaz in tepuztlaxcalton-tli, qualli yez ca achtopa quittaz ce qualli tlamatini Ticitl, Tepatiani (intla âzo ompa in laltepeuh onca), ihuan quittatlaniz: intla hueliti, nozô ahmo, quiceliz inon tepatiloni? Yecé huel monequi in quimatizque, ca nimanahmo quiquazque intla hueleézoticate, ihuan intla in imixtello huel tlaztalehualtica, nozo huel totonia; ahnozo quipia tlepachi-huiliztli, ahnozo in imelpa xocoya.

Inic nauhtlamantli in quimatizque cayehuatl: ca iniquac Aca quiquaznequi inin Tepatiliztli, auh iniquacon mozahtica, nozo âtle quipia in iyolloixco, qualli yez ca achtopa quiconiz tepitzin almendraschiahuacayotl tzopelic, ahmo ixpuxcauhqui, ahmo coztic; cazan huel chipahuac; ihuan huel in ihueliliz quipiez.

Auh zatepan inic macuilamantli in quimatizque ca inin: ca macahmo quicelican in tepatilonin, in squique in quichicha inimezo; ahmo in cohuacihque, in immacueloa, in mixicueloa, in tlalpan huetzi, ihuan miéc yztlactli, miéc âpopozoquillotl quichicha. Nican ontlami in temachtiztli in monequi, in quimatizque in Macehualtin inic quimpatizque. Ma in Totecuiyotzin Diôs quimonequilti ca inin Tepatiloni huel tlaontequixtilli yez, ihuan quimpalehuiz in icnotlachatzintin, quenamic quelehuia in Temachtiani Bartolache, in quipia initepatilizmachtilyan nican Mexicatlatocayonetechpacholiztli, in ipan caxtolihuitl in Metzli Agosto, in itechpohui in xihuitl, in mopohua Nauhtzontli, ipan macuilpoalli, ipan yeipoalli, ipan matlactlionahui.

440
W2
270
B2921A
1774

Bartolache Bidora Marciales Mexico 1774

